

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

Regula II. Quomodo scrupulosus de actionibus praeteritis judicare debeat.

urn:nbn:de:hbz:466:1-11367

niti deberent, ut magnis, solidis, frequentibusque Contritionis, *multum
Amoris Diuini, detestationis sui, deprecationis, submissionis;* denique Spei & Fiduciæ actibus tempus quod Confessioni præmit-
titur, sancte religioseque impenderetur; nunc ita vsluenit, vt
nescio quibus præstigijs inducti homines, etiam sancti, totum
ferè tempus volvendis & reuoluendis peccatis, sine ullo fructu
aut merito, & interim vix temporis momentum vnicum, præstan-
tissimis illis actibus tribuant. Sic dum ad Sacerdotis genua acce-
dendum est, leuiter perculo pectore, totum sese putant verè pœ-
nitentis explesse officium: interim quod erat planè præcipuum,
actum est perfuctorie. Stilum itaque mutet si quis sic legerit:
spatium temporis, quod vanæ discussioni & euagationibus farræ
datum est hactenus, ei detrahatur: contritionique eliciendæ,
peccatis detestandis, misericordiæ Diuinæ exorandæ tribuat im-
posterum; & sic ordinata erunt omnia: & proportione debitâ,
commodè expensa.

R E G V L A II.

Quomodo scrupulosus de actionibus præteritis judicare debeat.

50. **D**E his quidem nihil singulare dicendum superest præter ea, que *Scrupulosus
non potest
mortale ju-
dicare nisi
de quo cer-
tu est; sic
ut id intra-
re audeat
esse com-
missum.*
Tractatu 8. diximus. Tamen vt ab his ad alios gradum fa-
ciam, & quia materia similitudo id requirit, dico. constantissi-
mam & vnam Theologorum esse sententiam (& quia om-
nium est, neminem cito) scrupulosum hominem (talem autem
reputare se debet, quisquis à Confessario talis judicatur) non
posse de actione suâ statuere quod sit mortalis, nisi quam judicat
sine ullo examine, sine vllâ præuiâ consultatione, indubitanter
& certò, mortali crimine innodatam. quod sanè de adulterio
à se commisso facile quis judicauerit. Quod quidem alio modo
explicant Theologi; dum omnes asserunt, tam manifestè eis de
crimine debere constare, vt jurejurando, si necessitas id exiget,
scelus commissum pro judicio & foro publico possint audeantque
affirmare, saltem coram Deo eiusue Vicario Sacerdote. Hoc
verò si non audeant, judicium quod de se ferunt, esse nullum:
vnde manifestum est, quotiescumque ipsis dubitatio incidet,

X x 2

seu

seu de actione quæ peccato est obnoxia à se commissâ, seu de peccato cognito & admisso cùm de actione ipsâ constat; semper, inquam, quoties judicium ratum non est & fixum, statuere posse, imò & debere, neutriquam à se peccatum: & si dubitatio occurrit, blasphemis, impudicisque cogitationibus aut motibus, consensus datusnè sit an denegatus, denegatum esse decernat, decreturnque mordicus teneat, neque ullis fese mentis agitacionibus patiatur à sententiâ latâ dimoueri. Rationem illicò nouam dictis dabimus, quâ veteres confirmemus.

Infra. n.
53.

REGVLA III.

*Quomodo etiam non scrupulosus, ex opinione probabili,
de actionis præteritæ bonitate aut malitia
debeat judicare.*

Pro se sententiam benignam ferat.

Non sunt confundenda, in hac materia, probabile & dubium. PROdijt nuper Disquisitio Theologica, an peccata mortalia dubia sint in Confessione Sacramentali explicanda; auctor est Franciscus Faruacques. De quæstione propositâ agemus Tractatu 15. Sed quod nunc ad rem meam facit; est quòd non putet scrupulosè h̄ic distinguendum dubium à probabili; quomodo nonnulli, inquit, dubium non vocant, nisi cùm intellectus heret. It omnis omnino assensus suspenditur: idque allatis aliquot juris textibus, planum facere frustra nititur. Ego verò non scrupulosè sed verè & Theologicè, non cum nonnullis quasi pauci sint, sed cum plerisque auctoribus; nec rursus cum nonnullis, quasi exiguae auctoritatis sint, sed cum grauissimis Theologis, censeo maximum esse discriminem, dubium inter & probabile; neque hæc confundi ab alijs seu nonnullis, nisi vt tenebræ offendantur sententijs celeberrimis, easque trahant in inuidiam, dum quidquid dicendum est de dubio, id ipsi etiam probabili opinioni volunt impingere. Verū id jam discussimus, cùm de probabili actum est sententiâ. Differentia autem positâ, & ritè intellectâ quam inter opinionem probabilem Tract. 4. §. 2, & dubium Tract. 6. §. 1. posuimus,

Dico,

Faruacq.
in disquis.
Theolog.
Praefat. n.
5 & 7.